

鞞  
華閣集古錄跋尾十五卷

韓華閣集古錄

跋尾十五卷

王德周



序

昔年寄居天津聞王靜安先生言膠西柯純卿少年讀書最多知爲吾友燕  
舫之弟心儀久矣及移家舊都始因燕舫得交純卿觀其博覽深識洵爲不  
負靜安之稱譽者純卿賦性冲澹執操謙謹鍵戶下帷著述甚富歆然不以  
爲足進嘗造其齋中見積藁有百餘卷以金文分域編輯華閣集古錄跋尾  
甲骨文字解誼殷周世族考殷周史料三代地名輯證諸作爲最精博華  
閣集古錄跋尾者二十年前純卿尙未弱冠讀欵識時之所作也其時燕舫  
兄弟搜訪金文頗得瓌奇之品今諸家所拓傳著錄者在當時尙未顯於世  
已每見於柯氏拓本冊中純卿初擬用積古齋之例排比拓本分綴跋尾之  
文其後著錄日出拓本無待流傳僅以跋文別爲卷帙臧於篋笥此編乃其



最初成之稿所跋之金文大氏見於攬古錄周金文存其體例一守薛阮成規解釋字句於舊說擇善而從間下已見尤可異者孫仲容古籀餘論時猶未行於世而所釋往往與之闇合手藁具存進所目睹也亦一奇矣餘若孟鼎女妹字則據韓非子爲說毛公鼎大從字則據左傳爲說以虢季子盤之虢國爲小虢以秦公敦之且字爲語助詞以曾伯燾簋之繁湯釋爲板蕩皆前人所未言而犁然有當於人心者至於新出諸器之跋擬俟寫定嗣出編中遂多未之及即以此編單行亦孫氏古籀拾遺之體製也純卿承家學篤經業考釋金文以古學爲根柢綽有餘裕其文詞簡而有則此又靜安之所長而純卿能傳之者少作若此其才豈易得哉今歲純卿再事繕正屬進爲之弁言竊以爲二百年來吉金之好尙以山左爲最著曲阜桂未谷以小學

說歎識其後有安邱王棻友日照許印林丁少山萊陽周孟伯濰縣宋晉之  
膠州法小山黃縣丁佛言由是山左有吉金文字之學若棻友釋六書之例  
援引金文敷暢形誼能合大小篆而得其統緒者未有若棻友者也諸城劉  
燕庭以藏器鑒古擅名海內其後有海豐吳子苾諸城李方赤王蘭谿濰縣  
陳壽卿利津李竹朋福山王廉生黃縣丁幹甫臨清徐梧生日照丁芾臣由  
是山左有著錄鑒別之學若子苾之攬古錄同時傳世彝器網羅靡遺幾於  
無一贗鼎壽卿藏器尤精四方好古之士得其一言以定真贗著錄之博未  
有若子苾鑒別之精未有若壽卿者也凡此諸家皆與純卿有師友姻婭之  
雅其師承於聞見者固已備極雅贍又從靜安得受師法古人所稱張敞杜  
林之傳授亦何以異於是哉進與純卿同所好尙猶及見吳陳丁王諸家賓

客頗得遺書傳器略能知其緒論深願純卿旁搜遠紹有以發揮而光大之  
與州里諸賢媲美而進也獲列主客之圖於純卿之著作以鄙言相發明固  
所樂道而不倦者也中華民國二十四年七月至德周進序於舊京黃瓦門  
內之居貞草堂

韓華閣集古錄跋尾甲篇

膠州柯昌濟純卿學

鐘

於鐘

右於鐘文一夏商器案據古錄舊釋亞形下於實亞吳二字古官爵之稱說  
詳亞吳彝

紀侯鐘

右紀侯鐘文六西周末葉器據古錄云此器壽光縣人得之紀侯臺下第三  
字孫仲容先生釋虐詳古鐘  
餘論疑此字爲號之省文金文號字作號此字省文

益公鐘

右益公鐘文七西周末葉器益公西周諸侯又見歸彖敦楚氏疑益公之妣



爲楚國之族以國爲氏不用姓此例甚少或楚公族而奔益國者若左傳楚建等稱是也鐘字作鍾假借之字

魯邈鐘

右魯邈鐘文八東周初葉器說文邈高平之野人所登從疋备彖闕又羸水泉本也從彖出厂下原篆文羸省王氏句讀俗字作源而以原代邈案王氏蓋申許氏之誼考古文原邈遠三字皆通如卜詞云邈來羞即以邈字代遠字作冡從田從豕殆取遠誼說文之從备彖即從攴從田從豕之訛

董武鐘

右董武鐘文十東周末葉器第二字舊釋起孫仲容先生釋起以文義較之似仍以起爲近文蓋言戎事起而動武敷用即安定之義銘末字不可識似



記鐘律之度數

鄭邢叔鐘

右鄭邢叔鐘文十東周初葉器五字舊釋𨮒𨮒二字或是𨮒通令善也𨮒字省所从人與禾國語王曰鐘果𨮒矣古人鑄鐘重在音𨮒故云𨮒鐘也

兪牝王鐘

右兪牝王鐘文十五西周末葉或東周初葉器兪字與他器數數熊熊之熊字略同二字似从升从匕未詳熊爲楚姓但金文之楚公鐘楚曾侯鐘等並不稱熊姓考史記楚世家云熊渠生子三人當周夷王時王室微諸侯或不朝相伐熊渠甚得江漢間民和乃興兵伐庸楊粵至于鄂熊渠曰我蠻夷也不與中國之號諡乃立其長子康爲句亶王中子紅爲鄂王少子執疵爲越

章王疵疵字近熊兆或執疵之省稱歟是說亦無他證姑備一解可也

### 武平君鐘

右武平君鐘文十五戰國時器首數字不可盡識其文疑爲八年大趙十三  
月蓋趙國之器也大趙猶山海經之大楚也趙字雖不甚似恐係戰國時之  
繁體文字武平君戰國封爵之稱史記趙惠王二十一年徙漳水武平西幽  
王二年秦攻武平陽則武平顯爲趙地古泉亦有武平幣子下字從羊從口  
未詳未二字當是金器二字

### 楚公鐘

右楚公鐘文十六西周時器籒字甚奇頗不易識楊詠春先生釋爲吳清卿  
先生釋家孫仲容先生釋爲愚疑是字或爲爰字異文唯史記楚世家楚先

君無名爰者但云熊摯紅卒其弟弒而代立曰熊延延爰古音同部古字或相假用大畱鐘自當以大林鐘釋之爲正畱即古廩字林畱音同故金文林鐘之林皆作畱是也孫仲容先生古籀拾遺釋墻義反似晦而引証林畱通假之說甚詳

### 虔秉鐘

右虔秉鐘文二十四東周末葉器舊釋皆可從无亦當讀既亦虔秉不淫淫字徐釋爲正從水從害省取淫亂傷害之誼

### 首鐘

右首鐘即釐伯鐘文二十五西周末葉器首字舊釋首頗不甚似文皆常詞無甚可考釋者惟云戲眾彤姬永寶似戲及姬彤與首皆爲親族考經傳彤

似非姬姓之國則首與敵皆虍氏之族也

兮仲鐘

右兮仲鐘文二十七西周末葉器此器文誼無甚可攷惟侃喜爲燕喜之假字乃金文中經典異文之一也

楚曾侯鐘

右楚曾侯鐘文三十四東周末葉器此器清代自阮氏以下諸家所釋頗詳楚王畬章畬疑通陰或取諒陰之誼唯此器旣爲惠王晚年所製揆以事理不應有諒陰之稱於古代禮制不合或別有命誼歟或又釋熊字熊畬古音聲部固近然金文國君無自稱姓之例也徙自西陽案史記未載楚惠王時徙西陽之事据此可補史所未載但楚自頃襄王始自郢遷于陳以前皆居



郢都恐所謂徙未必指遷都之事也曾侯之文又見黃邦篋說詳彼器

### 單伯鐘

右單伯鐘文三十四西周末葉器案此器與攔古錄之吳生鐘爲一人所作吳生卽此器皋生也皋字從白從文卜詞作與金文不甚相異說文皋氣皋白之進也禮記皋登謂曰奏故皋奏皆從本案古文當從白从大字訓當如之徠匹先生言單伯之祖來佐先王也單氏始見春秋然据金文單具彝文單具作父癸寶彝爲西周初年之器則知爲西周舊族矣所言徠匹先王恐指文武之時單氏之祖曾爲王室佐命也查古昏字孫仲容先生釋摺字舊釋勞非考下孫仲容先生釋懿字是也字又見叔鼎陳侯因脊敦各器保奠奠通定詩天保定爾

邢人鐘

右邢人鐘文四十二西周末葉器△△△二字非連詞當讀邢人△△邢人爲單稱猶雲人守鬲之雲人也下文△△不敢弗帥用文祖皇考可證△△孫仲容先生釋△△或是憲憲唐立△△先生讀憲憲是也聖字下孫釋△△云通鄂竊疑卽爲器之異文鄂下△△字孫釋△△案實乃离之古文說文离山神獸形从禽頭从内山聲歐陽喬說离猛獸也此字古原爲象形之字說文螭若龍而黃也北方謂之地螭荀子賦篇螭龍爲蜺與此字象形尤近殆离卽螭之古文其後假爲離字旣多因失故訓猶於螭字訓中存本誼爾离離古通用易離麗也詩邶風鴻則離之離處宗室就遂上文猶言憲憲聖器不敢離處宗室

耳

楚公鐘

右楚公鐘文四十二西周末葉器孫仲容先生讀逆爲罍即謂楚熊罍是也  
唯舊釋罍字疑與下段之甲木山等文爲同等文誼當讀楚公逆自作夜雨  
雷金雷金疑是雨中所隕金石之類楚公以之作罍或取別誼也左傳隕石  
于宋五史記秦本紀獻公十八年雨金櫟陽殆即其類之事乃舊釋故非名  
通銘

子璋鐘

右子璋鐘文四十六東周末葉器斨字吳子苾先生讀斨曰斨字於小篆爲  
斨字以誼審之當是斨其說未安案斨當是姓氏不當讀爲分析之斨也

余義楚鐘

右余義楚鐘文七十五東周末葉器孫下阮釋僕奇觚釋僞疑僕之異文也  
許印林先生正阮釋余迹斯之子字爲孫字之誤是也茲下字疑爲咎之繁  
文而下字不易識舊釋迹非字父阮釋慈父是也

虢叔鐘

右虢叔鐘文九十一西周末葉器虢叔旅當是周室卿士名又見鬲攸從鼎  
王命相史南以口虢旅即其人也鬲攸從鼎舊以三統術推知爲厲王時器  
旅當爲厲王時人也殆即國語之虢文公儀下字徐籀莊先生釋寵近是於  
文誼寵御亦順

宗周鐘

右宗周鐘文一百二十西周末葉器此器阮孫各家考釋頗詳遙相聿相也



吳清卿先生讀作邁相非是反巛舊釋服要或服子案子字是也要字見伯  
要府散作嬰此字形頗與召伯虎散甲子之子字畧同唯兩傍從幺疑爲別  
體家兄說公羊桓十六年傳屬負茲舍不即罪爾何注屬託也天子有疾稱  
不豫諸侯稱負茲云云以爲衛侯朔託疾止不就罪御覽引白虎通字作負  
子此文服子服負同聲子正與白虎通字相同疑南國託疾不就罪而致王  
師故文有服子之語以此鐘文詞情事推之頗能符合此古誼之僅見於金  
文者間謂使介左傳云兵交使在其間可也邵王即昭王孫仲容先生從爾  
雅訓爲見案邵王句或言昭王之時南夷東夷具來朝見者共廿六邦追記  
其事猶穆公鼎紀噩侯駿方率南夷東夷是也左傳昭王南征而不反紀年  
昭王十六年伐楚涉漢即其事唯皇上帝詩有皇上帝傳皇君也三壽舊說